

Na osnovu člana 16. stav (4) Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za boračka pitanja, Vlada Zeničko-dobojskog kantona, na 181. sjednici, održanoj dana 17.11.2022. godine, d o n o s i

## ZAKLJUČAK

### I.

Prihvata se Informacija o stambenom zbrinjavanju branilaca i članova njihovih porodica za 2021. godinu Ministarstva za boračka pitanja.

### II.

Informacija iz tačke I. ovog zaključka nalazi se u prilogu i čini njegov sastavni dio.

### III.

Zaključak stupa na snagu danom donošenja.

Broj: 02-\_\_\_\_\_ /22  
Datum, 17.11.2022. godine  
Z e n i c a

**PREMIJER**

*Mirnes Bašić*

DOSTAVLJENO:

1x Ministarstvo za boračka pitanja,

1x a/a.

**BOSNA I HERCEGOVINA  
FEDERACIJA BOSNA I HERCEGOVINA  
ZENIČKO-DOBOJSKI KANTON  
MINISTARSTVO ZA BORAČKA PITANJA**

**I N F O R M A C I J A**

**o stambenom zbrinjavanju branilaca i članova njihovih porodica  
u 2021.godini**

Zenica, novembar 2022.godine

## I. Uvod

Rješavanje stambenog pitanje branilaca i članova njihovih porodica u segmentu pripadajućih dopunskih prava, realizuje se na način dodjele jednokratnih, bespovratnih novčanih sredstava s ciljem obezbjeđenja pomoći u rješavanju stambenog pitanja, odnosno poboljšanja uslova i kvaliteta/standarda života branilaca i članova njihovih porodica imajući u vidu njihov doprinos u odbrani države. Zbog prošlosti, a i budućnosti oni zaslužuju da budu i ostanu u fokusu brige društvene zajednice.

Zadatak institucija države, kao trajan zadatak i obaveza, važni su s aspekta zasluga, starosne dobi, socio-ekonomskog i zdravstvenog stanja branilaca i članova njihovih porodica, što dovodi do socijalne ovisnosti i nemogućnosti rješavanja egzistencijalnih problema, među kojima je i rješavanje stambenog pitanja.

Neovisno o socijalnom statusu, stepenu oštećenja organizma, kategoriji branilačke populacije-dobitnici ratnih priznanja/odlikovanja, ratni vojni invalidi, demobilizirani branioci, članovi porodica šehida, poginulih, umrlih, nestalih branilaca i umrlih ratnih vojnih invalida, članovi uže porodice poginulih, umrlih/nestalih dobitnika ratnih priznanja/odlikovanja, kao i posebni korisnici prava, koje tretiraju važeći propisi, činjenica je da je riječ o zaslužnoj, kao socijalno ranjivoj kategoriji s umanjenom radnom sposobnošću, s posljedicama uzročno-posljedično povezanim za učešćem u odbrambeno-oslobodilačkom ratu kako direktnih korisnika, tako i članova njihovih porodica.

Iz tih razloga, rješavanje stambenog pitanja jedan je od prioriteta u radu Ministarstva, te je kao dopunsko pravo (pored ostalih prava) utvrđeno važećim propisima iz oblasti branilačko-invalidske zaštite na području Zeničko-dobojskog kantona (u daljem tekstu: Kanton).

## II. Normativno regulisanje/ pravni osnov

Članom 7. tačka 8. Zakona o pravima branilaca i članova njihovih porodica ("Sl. novine FBiH" broj: 33/04, 56/05, 70/07 i 9/10 i 90/17), (u daljem tekstu: Federalni zakon) utvrđeno je da branioci i članovi njihovih porodica ostvaruju druga prava u skladu sa federalnim i kantonalnim propisima, koja nisu obuhvaćena ovim zakonom i to (pored ostalih navedenih) i „Prioritetno pravo na rješavanje stambenog pitanja pod jednakim uvjetima“.

Članom 29. stav (1) Federalnog zakona propisano je: "Kantoni svojim propisima osiguravaju prioritetno rješavanje stambenih pitanja pripadnika branilačke populacije u skladu sa važećim propisima", te da se „stambeno zbrinjavanje i pomoć u stambenom zbrinjavanju branilačke populacije vrši se po pravu prvenstva, kako slijedi i to:

1. Djeca poginulih, umrlih, nestalih branilaca bez oba roditelja i ratni vojni invalidi sa oštećenjem organizma od 100% I grupe;
2. Porodice sa dva i više poginulih, umrlih, nestalih branilaca i ratni vojni invalidi sa oštećenjem organizma od 100% II grupe;
3. Porodice poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70%;
4. Ostali ratni vojni invalidi,
5. Demobilizirani branioci.

I članom 4. tačka h) Zakona o pravima demobiliziranih branilaca i članova njihovih porodica („Sl. novine FBiH“, broj: 54/19) (u daljem tekstu: Zakon o pravima DB) utvrđeno je pravo na stambeno zbrinjavanje, a članom 32. stav (1) i (2) i (3) predmetnog Zakona decidno je definisano, citiramo

„ Demobilizirani branioci koji nemaju u vlasništvu stan ili kuću, niti koriste stan u svojstvu nosioca stanarskog prava mogu ostvariti pravo na pomoć u rješavanju stambenog pitanja u skladu sa kantonalnim propisima, a prema sredstavima kantona predviđenim za te namjene.“ -stav (1);

„Sredstva za ostvarivanje prava iz naprijed navedenog stava osiguravaju se u budžetu kantona u skladu sa mogućnostima.“- stav (2);

„ Sredstva za ostvarivanje prava iz naprijed navedenog stava za demobilizirane braniocce nastanjene u Republici Srpskoj osiguravaju se u budžetu kantona na čijem području je povratnik u entitetu Republika Srpska imao posljednje boravište ili u budžetu kantona koji je najbliži mjestu prebivališta povratnika u skladu sa mogućnostima.- stav (3);

U cilju osiguranja provedbe odredbi Federalnog zakona, kao i Zakon o pravima DB na nivou Kantona oblast stambenog zbrinjavanja branilaca i članova njihovih porodica uređena je:

- Zakonom o dopunskim pravima branilaca i članova njihovih porodica ("Sl. novine Zeničko-dobojskog kantona" broj: 1/14) (u daljem tekstu: Zakon)-član 5. tačka g), te Poglavlje VII. Rješavanje stambenog pitanja, od člana 24. (Jednokratana novčana sredstava) do člana 27. (Ostvarivanje prava) Zakona regulisano je pravo na rješavanje stambenog pitanja koje ostvaruju branioci i članovi njihovih porodica na području Zeničko-dobojskog kantona (u daljem tekstu: Kanton).
- Uredbom o pomoći u rješavanju stambenog pitanja branilaca i članova njihovih porodica ("Sl. novine Zeničko-dobojskog kantona" broj: 4/14, 1/18, te 15/21) (u daljem tekstu: Uredba), kao podzakonskim aktom;

Uredbom su utvrđeni uvjeti, način i postupak ostvarivanja prava na pomoć u rješavanju stambenog pitanja branilaca i članova njihovih porodica koji imaju prebivalište na području Kantona, kao i povratnika u RS koji ostvaruju osnovna prava iz branilačko-invalidske zaštite u općinama/gradovima Kantona i koji su na evidenciji nadležnog organa za vojne evidencije u općinama/gradovima Kantona. Izmjenama podzakonskog akta za rješavanje u 2021.god., kao način rješavanja stambenog pitanja dodjelom jednokratnih, bespovratnih novčanih sredstava uvrštena i mogućnost sufinansiranja troškova priključka na infrastrukturne mreže po računu iz prethodne i tekuće kalendarske godine, a pod uvjetom da stambeno pitanje rješavaju prvi put, a što će biti posebno elaborirano i obrazloženo u nastavku Informacije.

Budžetom Kantona za 2021.godinu („Sl. novine ZE-DO kantona“, broj: 7/21) za navedenu namjenu planirana su sredstva u iznosu od 650.000,00 KM, koja su rebalansom- Izmjene i dopune Budžeta Zeničko-dobojskog kantona („Sl. novine ZE-DO kantona“, broj: 18/21 ) povećana za 60.000,00 KM, imajući u vidu izmjenju podzakonskog akta za rješavanje s (naprijed navedenom) mogućnošću ostvarivanja prava na sufinansiranje troškova priključka na infrastrukturne mreže.

Usvajanjem Programa utroška Budžeta Zeničko-dobojskog kantona za 2021. godinu planiranih na razdjelu Ministarstva za boračka pitanja („Sl. novine Zeničko-dobojskog kantona“, broj: 7/21 i 18/21), kojim je stavljen van snage raniji Program utroška sredstava Ministarstva, *opredjeljen je konačan iznos raspoloživih sredstava* za navedenu namjenu na poziciji-razdjel 24, budžetska organizacija 01, potrošačka jedinica 0001, ekonomski kod 614200 -"Tekući transferi pojedincima" subanalitika-OAD 208 „ Pomoć u rješavanju stambenog pitanja“ *od 710.000,00 KM.*

### **III. Aktivnosti na realizaciji prava na pomoć u rješavanju stambenog pitanja branilaca i članova njihovih porodica u 2021. god.**

Uvjeti, način i postupak ostvarivanja prava na pomoć u rješavanju stambenog pitanja branilaca i članova njihovih porodica utvrđena Zakonom uređena su Uredbom, kao podzakonskim aktom za rješavanje. Uredba je strukturirana po dijelovima i to: I dio-opće odredbe, II dio-Postupak dodjele novčanih sredstava, te III dio-Završne odredbe, odnosno po dijelovima definisani su korisnici prava, posebni uvjeti za ostvarivanje predmetnog prava, način rješavanja stambenog pitanja, prioriteti u stambenom zbrinjavanju, podnošenje zahtjeva, potrebna dokumentacija, kao i ostala pitanja od značaja za pravilno i zakonito provođenje procedure.

Treba istaći, da je u 2021.god. na prijedlog Ministarstva Vlada Zeničko-dobojskog kantona na sjednici održanoj 16.09.2021.god. donijela Uredbu o izmjenama i dopunama Uredbe o pomoći u rješavanju stambenog pitanja branilaca i članova njihovih porodica. Od izvršenih izmjena i dopuna, a koje su od značaja za unapređenje i poboljšanje uslova za realizaciju ovog vida dopunskog prava, izdvajamo:

- Mogućnost ostvarivanja prava na sufinansiranje troškova priključka na infrastrukturne mreže (voda i kanalizacija, električna energija, gas) stambenog objekta po računu iz prethodne i tekuće kalendarske godine; po pojedinačnom zahtjevu mogu biti odobrena sredstva do 1.500,00 KM po jednom priključku, bez limita u smislu ukupnih primanja domaćinstva, a pod uvjetom da stambeno pitanje rješavaju prvi put. Zahtjevi u smislu ove odredbe mogu se podnositi tokom cijele godine. Predmetno pravo definisano je Zakonom o pravima demobiliziranih branilaca i članova njihovih porodica („Sl. novine FBiH”, broj. 54/19) s obavezom da troškovi nastali prilikom ostvarivanja prava idu na teret budžeta kantona. Zeničko-dobojski kanton, odnosno ovo Ministarstvo je među prvim u Federaciji BiH ovo pravo uvrstilo u propise iz oblasti branilačko-invalidske zaštite;
- U cilju jasnijeg i nedvosmislenog tumačenja u načina rješavanja stambenog pitanja iz člana 7. Uredbe, a koji se odnosi na „prilagođavanje stambenog objekta posebnim potrebama ratnih vojnih invalida izvršena je izmjena i dopuna te sada isti glasi „prilagođavanje stambenog objekta posebnim potrebama ratnih vojnih invalida sa utvrđenim procentom invalidnosti 70% V grupe i više, a što će Komisija iz člana 15. stav (2) Uredbe u sastavu od pet članova koju posebnim rješenjem imenuje ministar Ministarstva, cijeliti po pojedinačnim zahtjevima;

Ostale izmjene i dopune (ne manje značajne) izvršene su s osnovnim ciljem dodatnih pojašnjenja i tumačenja u primjeni predmetnog podzakonskog akta u postupku provođenja procedure.

Članom 2. i 3. Uredbe definisani su korisnici prava, kao i posebni korisnici prava i to:

- korisnici prava-dobitnici ratnih priznanja ili odlikovanja; ratni vojni invalidi, demobilizirani branilci (koji su u periodu od 06.04.1992. do 23.12.1995. godine u sastavu OS proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili šest mjeseci po punoljetstvu); članovi porodice šehida, poginulih, umrlih i nestalih branilaca i umrlih ratnih vojnih invalida; članovi uže porodice poginulih, umrlih ili nestalih dobitnika ratnog priznanja ili odlikovanja;
- posebni korisnici prava-udovica umrlog demobiliziranog branioca koji je u redovima Oružanih snaga proveo najmanje dvije godine u periodu utvrđenom u članu 2. tačka c) Uredbe i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu; roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine u periodu utvrđenom u članu 2. tačka c) ove Uredbe, ukoliko ih je isti izdržavao posljednju godinu dana prije smrti.

Član 7. Uredbe definiše načine rješavanja stambenog pitanja na način dodjele jednokratnih, bespovratnih novčanih sredstava u svrhu:

- izgradnje stambenog objekta s ciljem trajnog stambenog rješavanja;
- kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini;
- prilagođavanja stambenog objekta posebnim potrebama ratnih vojnih invalida sa izmjenama i dopunama „ sa utvrđenim procentom invalidnosti 70% V grupe i više”
- sufinansiranja izdavanja dozvole za gradnju i sufinansiranja legalizacije stambenog objekta, te sa izmjenom i dopunom u načinu rješavanja i
- sufinansiranje troškova priključka na infrastrukturne mreže po računu iz prethodne i tekuće kalendarske godine;

Članom 8. Uredbe definisani su prioriteti u stambenom zbrinjavanju, odnosno rješavanje stambenog pitanja branilaca i članova njihovih porodica vrši se po pravu prvenstva, kako slijedi:

- a) dobitnici ratnih priznanja ili odlikovanja iz člana 5. stav 3. Federalnog zakona;

- b) djeca šehida, poginulih, umrlih, nestalih branilaca bez oba roditelja i ratnih vojnih invalida sa oštećenjem organizma od 100% I grupe;
- c) porodice sa dva i više šehida, poginulih, umrlih, nestalih branilaca i ratnih vojnih invalida 100% II grupe;
- d) članovi uže porodice poginulih, umrlih, nestalih dobitnika ratnih priznanja ili odlikovanja iz člana 5. stav 3. Federalnog zakona;
- e) porodice šehida, poginulih, umrlih, nestalih branilaca i ratni vojni invalidi sa oštećenjem organizma 90%, 80% i 70%;
- f) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stav 4. i 5. Federalnog zakona i umrlih ratnih vojnih invalida;
- g) ostali dobitnici ratnih priznanja ili odlikovanja;
- h) ratni vojni invalidi sa oštećenjem organizma od 20% do 60%;
- i) demobilizirani branioci;
- j) udovica umrlog demobiliziranog branioca iz člana 3. tačka a) Uredbe;
- k) roditelji umrlog ratnog vojnog invalida ili demobiliziranog branioca iz člana 3. tačka b) Uredbe.

Prema odredbama člana 15. (Rad Komisije Ministarstva) sve prijedloge gradskih/općinskih službi razmatra petočlana komisija, koju posebnim rješenjem imenuje ministar Ministarstva. Zadatak Komisija Ministarstva je da razmotri dostavljene prijedloge, izvrši uvid u priloženu dokumentaciju i po potrebi istu provjeri, konstatuje ispravnost postupka, a u posebnim slučajevima izlaskom na teren utvrdi činjenično stanje, te zahtijeva pribavljanje i dostavljanje na uvid naknadno i druge dokumentacije za koju ocijeni da je od značaja za donošenje odluke o odobravanju sredstava. Po okončanju prethodnih aktivnosti, Komisija Ministarstva dostavlja ministru Ministarstva obrazložen stav o odbijanju ili opravdanosti zahtjeva sa prijedlogom o dodjeli novčane pomoći usklađenim sa Programom utroška sredstava Ministarstva na transferu za navedenu namjenu.

Izmjenom Uredbe-član 16. stav (1) i (2) Uredbe sada je definisano da na osnovu prijedloga Komisije Ministarstva o dodjeli sredstava u pojedinačnim iznosima iznosima ne prelazi iznos od 1.500,00 KM (od dosadašnjih 1.000,00 KM) odlučuje ministar Ministarstva, a sredstava u iznosu većem od 1.500,00 KM (od dosadašnjih 1.000,00 KM) na obrazložen prijedlog Ministarstva, zaključak o odobravanju dodjele sredstava donosi Vlada Kantona.

Članom 25. Uredbe utvrđeno je da elektronsku evidenciju o podnesenim zahtjevima i korisnicima prava po ovoj Uredbi vode gradske/općinske služba i Ministarstvo, po posebnim obrascima koje potpisuje ministar Ministarstva.

Nadzor nad provođenjem Uredbe ima Ministarstvo, kako je utvrđeno članom 26. stav (2) Uredbe, a u realizaciji Uredbe ministar može donijeti odgovarajuće instrukcije-član 26. stav (1) Uredbe.

Ostale odredbe Uredbi odnose se na član 17. Uredbe (Ograničenja u dodjeli pomoći), član 21. Uredbe (Stambeno zbrinjavanje povratnika u RS i raseljenih lica), član 22. Uredbe (Ugovor); član 24. (Sredstva za ostvarivanje prava) i sl.

U segmetu realizacije ovog vida dopunskog prava za branioce i članove njihovih porodica sa područja Kantona proteklu budžetsku godinu karakterišu:

-i dalje prisutne okolnosti pandemije,

-realizacija i okončanje procedura po zahtjevima iz prethodnog perioda (prioritetno po Oglasu iz 2019.god.), sa aktivnostima na potpisivanju ugovora sa podnosiocima zahtjeva kojima je odobrena pomoć za navedene namjene, te transferiranje sredstava na račune gradova/općina, koji su kao takvi uplaćeni na tekuće račune korisnika sredstava;

-okončanje aktivnosti u postupcima po žalbama, tužbama;

-postupanje u pojedinačnim zahtjevima i prijedlozima od strane općina/gradova u pojedinačnim, posebnim slučajevima koji su iziskivali hitno rješavanje, odnosno u situacijama kada je postojeće stanje stambenog objekta životno i egzistencijalno ugrožavajuće za podnosioca zahtjeva i članove njegove porodice;

-posjete i održavanje radno-konsultativnih sastanaka predstavnika Ministarstva sa uposlenim i rukovodiocima nadležnih gradskih/općinskih službi za pitanja branilačko-invalidske zaštite s ciljem upoznavanja i pojašnjenja sa izmjenama Uredbe, kao podzakonskog akta za rješavanje;

-početak primjene realizacija predmetnog prava u dijelu priključka stambenih objekata na infrastrukturne mreže (voda i kanalizacija, električna energija i gas) za podnosiocima zahtjeva koji prvi put rješavaju stambeno pitanje;

-postupanje, davanje pojašnjenja, uputa i odgovora po zahtjevima, molbama pripadnika branilačke populacije, kao i udruženja pripadnika branilačke populacije o mogućnostima i načinu ostvarivanja prava na ovaj vid pomoći;

Treba istaći da je Ministarstvo još u 2019. god. aktueliziralo projekte izgradnja stambenih jedinica socijalnog stanovanja, koji podrazumijevaju obezbjeđuju za izgradnju/kupovinu stambenih jedinica namjenjenih za stanovanje socijalno ugroženih branilaca i članova njihovih porodica sa kojim se ugovorom reguliše doživotno korištenje određenog stambenog prostora. U 2021.god. nije bilo takvih ili sličnih zahtjeva i prijedloga od strane lokalnih zajednica.

Zbog potrebe okončanja aktivnosti iz prethodnog perioda, provođenja procedure na izmjeni Uredbe, te početka realizacije pomoći u rješavanju stambenog pitanja na način sufinansiranja troškova priključka na infrastrukturne mreže u 2021.god. nije objavljivani oglas o mogućnosti podnošenja zahtjeva za ostvarivanje prava na pomoć u svrhu rješavanja stambenog pitanja.

U nastavku iznosimo tabelarne pokazatelje strukture utroška sredstava sa transfera za navedenu namjenu u 2021.god. .

**Tabela 1.-** Struktura realizovanih pomoći po načinu rješavanja u 2021.god.

Općina /Grad	Izgradnja	Kupovina	Prilagodavanje	Sufinansiranje izdavanja dozvole za gradnju/ legalizacije	Član 20. Uredba	Ukupno
<b>Breza</b>	2	0	1	0	0	3
<b>Doboj Jug</b>	0	0	0	0	0	0
<b>Kakanj</b>	2	1	1	0	0	4
<b>Maglaj</b>	7	6	3	0	4	20
<b>Olovo</b>	7	0	0	2	8	17
<b>Tešanj</b>	7	1	1	0	0	9
<b>Usora</b>	0	0	0	4	4	8
<b>Vareš</b>	0	1	0	0	0	1
<b>Visoko</b>	3	0	0	0	0	3
<b>Zavidovići</b>	15	5	0	2	6	28
<b>Zenica</b>	1	3	0	1	0	5
<b>Žepče</b>	4	0	0	8	0	12
<b>Ukupno:</b>	<b>48</b>	<b>17</b>	<b>6</b>	<b>17</b>	<b>22</b>	<b>110</b>

**Tabela 2. –** Struktura realizovanih pomoći u 2021.god. po kategorijama branilačke populacije sa iznosom odobrenih sredstava po općinama/gradovima Kantona

Općina/Grad	DRPO	PPB	RVI	DB	PURVI	PUBB	Ukupno korisnika	Odobreno u KM
Breza	0	1	2	0	0	0	3	13.000,00
Doboj Jug	0	0	0	0	0	0	0	0
Kakanj	0	1	2	1	0	0	4	23.000,00
Maglaj	0	0	4	15	1	0	20	115.500,00
Olovo	0	2	2	13	0	0	17	82.000,00
Tešanj	1	0	1	7	0	0	9	60.000,00
Usora	0	0	3	4	0	1	8	22.500,00
Vareš	0	0	0	1	0	0	1	7.000,00
Visoko	0	1	1	1	0	0	3	22.000,00
Zavidovići	0	3	2	21	1	1	28	171.500,00
Zenica	0	0	1	4	0	0	5	28.500,00
Žepče	0	1	8	3	0	0	12	57.000,00
<b>Ukupno:</b>	<b>1</b>	<b>9</b>	<b>26</b>	<b>70</b>	<b>2</b>	<b>2</b>	<b>110</b>	<b>602.000,00</b>

Tabela 3. –Struktura realizovanih pomoći za sufinansiranje troškova priključka na infrastrukturne mreže u 2021.god. prema vrsti priključka po gradovima/općinama Kantona

Općina/Grad	Broj zahtjeva	Odbijeno	ODOBR ENO	Struja	Voda	Kanalizacija	Gas	Odobreno u KM
Breza	3	2	1	1	0	0	0	1.500
Doboj Jug	12	2	10	2	2	6	0	11.954,45
Kakanj	2	0	2	1	1	0	0	1.978,43
Maglaj	4	2	2	0	2	0	0	3.000,00
Olovo	3	0	3	2	1	0	0	4.000,00
Tešanj	0	0	0	0	0	0	0	0
Usora	0	0	0	0	0	0	0	0
Vareš	0	0	0	0	0	0	0	0
Visoko	20	1	19	4	14	0	1	21.111,83
Zavidovići	30	11	19	11	8	0	0	22.776,69
Zenica	6	4	2	2	0	0	0	3.000,00
Žepče	3	0	3	2	1	0	0	3.801,61
<b>Ukupno:</b>	<b>83</b>	<b>22</b>	<b>61</b>	<b>25</b>	<b>29</b>	<b>6</b>	<b>1</b>	<b>73.123,01</b>

Tabela 4. –Zbirni pregled realizovanih pomoći u 2021.god. po kategorijama branilačke populacije

Općina/Grad	DRPO	PPB	RVI	DB	PURVI	PUBB	Ukupno korisnika	Odobreno u KM
Breza	0	1	2	1	0	0	4	14.500,00
Doboj Jug	0	0	1	9	0	0	10	11.954,45
Kakanj	0	1	2	3	0	0	6	24.978,43
Maglaj	0	1	4	16	1	0	22	118.500,00
Olovo	0	2	2	16	0	0	20	86.000,00
Tešanj	1	0	1	7	0	0	9	60.000,00



<b>Usora</b>	0	0	3	4	0	1	8	22.500,00
<b>Vareš</b>	0	0	1	0	0	0	1	7.000,00
<b>Visoko</b>	0	6	2	14	0	0	22	43.111,83
<b>Zavidovići</b>	0	3	3	39	1	1	47	194.276,69
<b>Zenica</b>	0	0	1	6	0	0	7	31.500,00
<b>Žepče</b>	0	1	8	6	0	0	15	60.801,61
<b>Ukupno:</b>	<b>1</b>	<b>15</b>	<b>30</b>	<b>121</b>	<b>2</b>	<b>2</b>	<b>171</b>	<b>675.123,01</b>

**Tabela 5.** –Zbirni pregled utroška sredstava iz budžeta Kantona sa transfera Ministarstva OAD 208-„Pomoć u rješavanju stambenog pitanja“ u 2021.god. po gradovima/općinama

<b>Općina/Grad</b>	<b>UKUPNO KORISNIKA</b>	<b>ODOBRENO u KM</b>
<b>Breza</b>	4	14.500,00
<b>Doboj Jug</b>	10	11.954,45
<b>Kakanj</b>	6	24.978,43
<b>Maglaj</b>	22	118.500,00
<b>Olovo</b>	20	86.000,00
<b>Tešanj</b>	9	60.000,00
<b>Usora</b>	8	22.500,00
<b>Vareš</b>	1	7.000,00
<b>Visoko</b>	22	43.111,83
<b>Zavidovići</b>	47	194.276,69
<b>Zenica</b>	7	31.500,00
<b>Žepče</b>	15	60.801,61
<b>Ukupno:</b>	<b>171</b>	<b>675.123,01</b>

Shodno raspoloživim sredstavima na transferu za pomoć u rješavanju stambenog pitanja branilaca i članova njihovih porodica utvrđenih Programom utroška sredstava iz Budžeta Kantona za 2021.god. Ministarstva od raspoloživih 710.000,00 KM utrošena su sredstva u ukupnom iznosu od **675.123,01 KM**, odnosno izvršenje u **procentu 95,09%**.

Treba istaći, da je od momenta izmjene i objave Uredbe (9mj. i 10 mj. 2021.god.), dostave propisanih obrazaca zahtjeva za novčanu pomoć u svrhu stambenog zbrinjavanja branilaca i članova njihovih porodica (obrazac Ministarstva broj: 13/04-2-2-33-12341/21 od 24.09.2021.god.) i ostale popratne dokumentacije nadležnim gradskim/općinskim službama sa uputama i pojašnjenima o postupanju, bio izuzetno kratak rok, što je bi jedini razlog da raspoloživa sredstva nisu utrošena u 100% iznosu. Imajući u vidu navedeno i pomenuti % utroška je izuzetno dobar, a činjenica je da veliki broj podnesenih zahteva u budžetskoj 2021.god i nije dostavljen Ministarstvu na rješavanje. Isti će, kao takvi biti predmet razmatranja u budžetskoj 2022.godini.

#### **IV. Zaključna razmatranja**

Mišljenja smo da pravo na pomoć u rješavanju stambenog pitanja, uz propisanu obavezu treba i dalje da ostane u fokusu brige, imajući u vidu činjenicu da je ova kategorija svakodnevno i predmet medijskih natpisa putem štampe, raznih stranica i portala. Pored toga, to je i moralna obaveza države prema ovoj kategoriji, imajući u vidu prioritarno zasluge ove populacije, te treba da i dalje ostane u prioritetu rada kako ovog Ministarstva, tako i Vlade Kantona.

Ministarstvo, kao kantonalni organ nadležan za pitanja prava branilaca i članova njihovih porodica i u segmentu realizacije ovog vida dopunskog prava ulaže značajne napore na unapređenju i

poboljšnju uslova i kvaliteta života, pri čemu s posebno vodi računa o prioritetima u stambenom zbrinjavanju, odnosno rješavanju stambenog pitanja po pravu prvenstva kako je i utvrđeno važećim propisima.

Kao Ministarstvo često smo bili sudionici života na margini, ispod minimuma ljudskog dostojanstva, te smo stava da odlazak na teren, razgovor sa podnosiocima zahtjeva, te utvrđivanje i ostalih dodatnih okolnosti na licu mjesta treba i mora biti praksa i ubuduće.

Rješavanje stambenog pitanja, kao dopunsko pravo branilaca i članova njihovih porodica u nadležnosti je Kantona, te je Ministarstvo provedbenim propisom obavezno osigurati zakonitu i pravičnu mogućnost ostvarivanja prava na ovaj vid pomoći. Iz tih razloga u narednom periodu neophodno je:

- U cilju odabira korisnika kojima je ovaj vid pomoći nužan i neophodan, a koji žive „ispod minimuma ljudskog dostojanstva“, posebno pripadnici branilačke populacije povratnici u RS omogućiti/obezbijediti nastavak prakse odlazka na teren radi utvrđivanja činjeničnog stanja, što je bilo onemogućeno pojavom pandemije Covida-19;
- Insistirati na unapređenju i poboljšanju saradnje unutar lokalnih zajednica nadležnih prvostepenih organa i lokalnih branilačkih udruženja, a s ciljem osiguranja pomoći neukim podnosiocima zahtjeva prilikom kompletiranja potrebne dokumentacije, te prepoznavanja i ukazivanja na posebne, specifične slučajeve kojima je ovaj vid pomoći nužan, a iziskuju hitno i prioritarno rješavanje;
- Aktivnosti na lokalnom nivou provoditi putem kantonalnih branilačkih udruženja, koji uz moralnu obavezu i brigu za braniocima i članove njihovih porodica mogu značajno doprinjeti da se stanje unaprijedi i poboljša;
- Nastaviti s praksom redovnog i blagovremenog informisanja kako Vlade Kantona, tako i javnosti putem PRESS-a, kao i web stranice Kantona o svim aktivnostima vezanim za realizaciju prava na pomoć u rješavanju stambenog pitanja ove kategorije;
- Podržavati i dalje inicijative i prijedloge za pomoć u rješavanju stambenog pitanja, koji ispunjavaju zakonom propisane uvjete, a za koje se ocijeni i utvrdi postojanje specifičnih, posebnih okolnosti koje iziskuju hitno rješavanje, te uz varijantu obezbjeđenja sufinansiranju od strane grada/općine, drugih nivoa vlasti i donatora obavezno pribaviti i nalaz ovlaštenog lica građevinske struke;
- I u narednom periodu nužno je raditi na unapređenju i poboljšanju saradnje između Ministarstva i gradova/općina, kako bi se obezbijedilo načelo pravednosti, transparentnosti, te pomoć dobili oni kojima je ovaj vid pomoći zaista nužna potreba, a svi pojedinci koji nastoje prikriti ili dati netačne podatke budu blagovremeno otkriveni i sankcionisani; u tom dijelu, kao i do sada uposlenici Ministarstva otvoreni su i spremni za saradnju;

Obezbjedenjem sredstava za rješavanje stambenog pitanja, odnosno krova nad glavom na ovaj način osiguran je život dostojan čovjeka, te smatramo da je ovaj vid pomoći opravdao svoju svrhu.

**Broj:** 13/03-2-2-37-13-1702/22.

**Zenica**, novembar 2022. godine

**MINISTAR**  
*Fahrudin*

*Čolaković*

